



მწყამსი

ო ზ ი ც ი ა ლ უ რ ი ზ ა ნ ყ ო ზ ი ლ ე ბ ა

უმაღლესი სახელდებულ ბრძანება.

უწმიდესს უმართებულს სინაღს.

უწმიდესის სინოდის წევრს, ნოვეგოროდის და სტარორუსკის მთავარ ეპისკოპოსს თეოფანესტეს უკვლად უმოწყალებად ვუბრძანებთ იქმნას კიევის და გალიციის მიტროპოლიტად და კიევის პეტრის წმინდის ლავრის სამღვდლო არქიმანდრიტად.

დედანზედ მის იმპერატორებითს უდიდებულესობას საკუთარ ხელით დაწერილ არს:

„ნიკოლოზი“

მარიაპოლისთვის 1900 წ. პეტერგოფი.

უმაღლესი გვიღო

უმაღლესის სასულიერო სემინარიის რექტორს არქიმანდრიტს ჰერმოკენს ამ წლის აპრილის 18 რიცხვსა უკვლად უმოწყალებად გებოძა მისი იმპერატორებითს უდიდებულესობის კაბინეტ-გენერალს მკერდის ოქროს ჯვარი ოქროსავე წიკვით, მეფეული ბრილიანტით და მვირფასი ქვებით.

უმაღლესი ბრძანებანი:

1) სასულიერო სემინარიების და სასწავლებლების მოწყვეთა აღმზრდელთათვის სახელმწიფო სამსახურის უფლებათა მიცემას შესახებ.

სახელმწიფო საბჭომ კანონთა დეპარტამენტში და საზოგადო სხდომაზეც განიხილა უწმიდესის სინოდის ობერ-პროკურორის წარდგენილება სასულიერო სემინარიების და სასწავლებლების მოწყვეთა აღმზრდელთათვის სახელმწიფო სამსახურის უფლების მიცემის შესახებ და გადაწყვიტა: ა) მიენიჭოს სასულიერო სემინარიების და სასწავლებლების მოწყვეთა აღმზრდელთათვის თანამდებობას ხარისხის მიღების საქმეში მეთე კლასის უფლება. ბ) სათანადო კანონდებულებათა შესავსებლად და შესაცვლელად დადგენილ იქმნას: 1) სასულიერო სემინარიების და სასწავლებლების მოწყვეთა აღმზრდელთათვის ოთხის წლის სამსახურის შემდეგ, მტკიცდებიან ხარისხში, რომელიც შეეფერება მათის თანამდებობის კლასსა უფროსობით დღიდგან მათის დანიშვნისა სამსახურზედ და შეიძლება მიეცეთ მათ უკეთეს ერთსა და იმავე თანამდებობაზედ იქნებიან, სამის ხარისხით



მეტი იმ კლასისა, რომელიც დაწესებულია მათის თანამდებობისათვის; 2) მოხსენებულთ პირველს სტატიაში აღმზრდელებს აქვსთ უფლება მიიღონ პენსია და შემწეობა იმ ზომით, რომელიც დაწესებულია სასულიერო სასწავლებლებში მყოფ საშუალო განათლების მასწავლებელთათვის. გ) იმ პირებს, რომელნიც დღეს მსახურებენ აღმზრდელებად სასულიერო სემინარიებს და სასწავლებლებში, ჩათვალოსთ მთელი დრო მათის სამსახურისა ხარისხის და პენსიის მისაღებად, უკეთუ ისინი შეიტანენ მთელის ამ დროსათვის სასულიერო სასწავლო თანაზი იმდენ ფულს, რამდენსაც შეადგენს მათის ჯამაგირიდან გამოკლებული ჯამი, დაწესებული პენსიის მისაღებად. მის იმპერატორებათ უდადებუდესსამ ხსენებული აზრი სახელმწიფო საბჭოსი 15 რიცხვს წარსულის მისისას უმაღლესად დამატიკა და ბრძანა მისი აღსრულება.

2) სახელმწიფო საბჭომ მრეწველობის, მეცნიერებათა, ვაჭრობის და სახელმწიფო ეკონომიის შეერთებულს დეპარტამენტებში, განიხილა რა უწმიდესის სინოდის ობერ-პროკურორის წარდგენილება იმის შესახებ, რათა გადადებულ იქმნას სახელმწიფო ხაზინის საშუალებათაგან უწმიდესის სინოდის ხარჯთ-აღრიცხვის თანახმად ყოველ წლობით 3,518,570 მან. პირველ დაწყებითი საეკლესიო სკოლების მოსაწყობად და შესანახად, დადგინა: ა) მიეცეთ საეკლესიო სკოლების სამაზრო მეთვალყურე მღვდლებს, უკეთუ მათ სამრევლო არა აქვსთ, წლიურს ჯამაგირად 1,200 მან. თითოეულს და უფლება 500 მან. პენსიის მიღებისა 25 წლ. სამსახურისთვის. ბ) გადაიდგოდეს სახელმწიფო ხაზინის საშუალებათაგან 1901 წლიდან დასამატებლად იმ ჯამისა, რომელიც გადაიდგოდა აქამომდე უწმიდესის სინოდის ხარჯთ-აღრიცხვის თანახმად, პირველ დაწყებითის სახალხო განათლების საკურორებისათვის, სამი მაჯიონი ხუთას თფრამეტა ათასი ხუთას სამოცდა

ათი მან. ყოველ წლობით, ამ რიცხვში: სამი მაჯიონი ათასს სამოცდა შვიდი ათასი რუპას ოცი მან. საეკლესიო სკოლების მოსაწყობად და შესანახად და ორმოცდა ხუთი ათას ორმოცდა ათი მან. ხსენებულ სკოლების უმრევლო სამაზრო მეთვალყურეთა დასაჯილდოებლად: სამასი ათასი მან. ვლადივოსტოკის ეპარქიის საეკლესიო სკოლების მეთვალყურეს ჯამაგირად და ორი ათას შვიდასი მან. იმავე ეპარქიის სამი საოლქო მეთვალყურეს დასაჯილდოებლად. სახელმწიფო საბჭოს ხსენებული აზრი, 5 თიბათვეს 1900, უმაღლესად დამატიკებულ იქმნა.

უწმიდესის სინოდის განჩინება.

ბ. 2--9 ავვისტოს 1900 წ. მე—3167 ნამრთო, საადღვამო ღია ბარათებზედ სადმთო გამოხატულებათა დაბეჭდვის შესახებ.

ბრძანებისამებრ მისის იმპერატორების უდიდებულესობისა, უწმიდესს უმართებულესს სინოდს ჰქონდა მსჯელობა ერთის საქველ-მოქმედო საზოგადოების შუამდგომლობის გამო იმის შესახებ, რათა მას მიეცემა ნება საადღვამო ღია ბარათებზედ—სადმრთო გამოხატულებათა დაბეჭდვისა. ბრძანეს: განხილულ იქმნა რა ხსენებული შუამდგომლობა, უწმიდესი სინოდი ხედავს, რომ დაბეჭდვა საადღვამო ღია ბარათებზედ სადმრთო გამოხატულებათა არ შეიძლება ნება დართულ იქმნას, ვინაიდან ამ გარემოებას შეუძლია შეურაცხყოცის კეთილ-მოწივნითი გრძნობა მორწმუნე მართლ-მადიდებელ ქრისტიანეთა, რაის შესახებ დაიბეჭდოს საეკლესიო უწყებათა «ქურნალში».

მწყემსი



მე ვარ მწყემსი კეთილი: მწყემსმან კეთილმან სული თვის დასდვის ცხოვართათვის. იოან. 10—11.
შოვე ცხოვარი ჩემი წაწყმედლუი. მსრეთ იყოს სიხარულ ცთა შინა, ერთისათვის ცოდვილისა. ლუკ. 15—4.
მოვედით ჩემდა ყოველნი მაშურალნი და ტვირთ-მძიმენი და მე განვიყვენთ თქვენ. მათ. 11—28.

№ 48

1883—1900

30 სექტემბერი.

პირველი სიტყვა,


თქმულა მის უოვლად უსამდელოესობის ლეონიდის მიერ ქუთაისის საკათედრო ტაძარში 17 სექტემბერს პირველად გამაჩაში შემობრძანების დროს.

გარდამოიხილენ ზეით, უფალო, და იხილუ, და მოხედუ ევნახსა ამას შენსა, და განამტკიცე ესე, რომელ დაახსა მარჯვენემან შენმან!



ქვენ უკვე გესმათ ეს სავედრებელი სიტყვები დღეს თქვენში ჩემ მიერ პირველად შესრულებული წირვის დროს; მოისმენთ მათ შემდეგ შოკ ყოველი წირვის დროს. ეს ღმობიერებითი მოწოდება, რომელსაც ასე ბრწყინვალედ წარმოსთქვამს ხოლმე მღვდელ-მთავარი, მიქტეული

პირით მლოცველთაღმი და მყურობელი მარჯვენა ხელში ჯვარისა, ხოლო მარცხენაში ბრწყინვალედ ანთებული დიკირისა, აღსვილია ღრმა აზრით და მასთან მეტად საგულისხმო და საგონებელია ეკლესიის მორწმუნე შვილისათვის. ამიტომაც პირველ ჩემ მღვდელ-მთავრულ საუბარს შენთან, საყვარელო ჩემო ახალო სამწყსოვ, ვიწყებ სახელდობრ ამ გულის სიღრმემდე ჩამწდომი სავედრებელით. ან კი რაღა უნდა ვისურვო უკეთესი ამ თქვენთან პირველად შეხვედრაზე, თუ არა ის, რომ ზეციური მამა ჩვენი იყოს თქვენზედა მუდამ ეამს მოწყალე თვლით, ხედავდეს თქვენ კეთილ საქმეებს, შრომათა და გაპირებათა, მოუვლინოს თქვენს სულსა და გულსა თვისი მადლი და სიყვარული და განგამტკიცოთ სათნო და ღვთისნიერ ცხოვრებაში? განა შემეძლო მომეტანა და გად-



მომეცა თქვენთვის უპიკრფასესი, უმაღლესი, წრფელი და უპირუთვნელესი რამ ამ პირდაპირ გულის სიღრმისაგან წარმომდინარე სურვილისა გარდა: „მოხილენ ზეციით, უფალო, და იხილენ, და მოხედენ ვენახსა ამას შენსა, და განამტკიცენ ესე, რომელ დასახა მარჯვენამან შენმან!“

აღნიშნულ სიტყვებში თქვენ, საყვარელნო მსმენელნო, მისმაგავსებელი ხართ ზვარს, ანუ ვენახს. და ვინ არ უწყის, თუ რა ძვირფასი და საყვარელია ყოველი მევენახისათვის ღვინა? ვინ არ იცის, რომ მევენახე დღე და ღამ იმის ფიქრში და ზრუნვაშია, თუ როგორ მოაშენოს ვაზები, გააზოხიეროს და საუკეთესოდ დაიმუშაოს მიწის ნიადაგი, მორწყოს და გასწმინდოს ვენახი, შემოავლოს ზღუდე, დაიცვას და დაიფაროს იგი ყოველიფრისაგან, რაც კი მას ავნებს და აზარალებს? ვინ არ უწყის, თუ რა შრომა და ხარჯი, გასაოცარი მეცადინობა, დღე-ღამითი ზრუნვა და მწარე ოფლის ღვრა სჭირდება მევენახეს, რომ მან გააშენოს რამდენადმე მაინც რიგიანი, ღირებული და შემოსავლიანი ზვარი?

მაგრამ ვის შეუძლია, გკითხავთ თქვენ, წარმოიდგინოს მთელი სიღრმე, ძალა და უსამზღვრო სიყვარული მწყემსისა სამწყსოთადმი? კაცი არის გვირგვინი ბუნებასა, მეფე ქვეყნისა, მსგავსება და ხატება ღვთისა, იგია ქვეყანაზე ერთად-ერთი ქმნილება, რომელშიც არის ცხოველი სული, მათესადამე, რამდენად სხვა-და სხვა ფერი, მრავალეცი, ძნელი, ბრძნული და მოსაზრებელი უნდა იყოს შრომა, ზრუნვა და ფიქრი მწყემსისა სამწყსოთადმი? რამდენი გონიერება, ნიჭი, გამოცდილება, გამჭრიახობა, თავის თავს შეკავება, დიდ სულოვანება და მოთმინებაა საჭირო, რათა ღირსთა თანა ერთად მწყემსიც შეიქნეს ღირსი, უგრძობი გულისხმიერი ჰყოს, უსასოოს ნუგეში ჰსცეს, სუსტი განამტკიცოს, ერთი სიტყვით ყოველთა ექმნეს ყოვლად, რათა ყოველი აცხოვრდეს (ა. კორ. 9, 22). აი ამ დიდი საქმისათვის, ამ გულითადი და უსაზღვრო სიყვარულისა, დაუცხრომელი შრომა და ზრუნვისა, მუდმივი ცდა და ფიქრისა რათა ამითი შეგძინო შენ, საყვარელო ჩემო სამწყსოვ, სულიერი ბედნიერება და საუკუნო ცხონება, მოწოდებულ ვარ შენდამი და აღყვანილ იმერეთის ეკკლესიის ძველ ტატხტე, რომელზედაც უმა-

ხურნათ დიდებულ, ღირსეულ ღმრინა მღვდელმთავარებს და მათგან, თითქმის, თითოეულ თქვენთაგანს ჯერ კიდევ ცხადად თვალ-წინ უდგია თელ-მოსალი სურათი ნეტარ-ხსენებული ყოვლადსამღვდელო გაბრიელისა, რომელიც ნათლად ბრწყინავდა ამ სასანთლზე უმეტეს ოცდა ხუთმეტეტი წლისა. გულ-წრფელად, ცხადად და გაბედულად იტყვი, რომ მე ასე პატივცემულ ექიმებისა არა ჩემი სამსახურისათვის, ვინაიდან მე ჯერით არავითარი სამსახური არ მიმიძღვის; არა ჩემი ნიჭიერებისათვის, ვინაიდან უძლურ ვარ სულითა, მოკლებულ ნიჭიერებას და მწირ არს საუნჯე ჩემთა ცოდნათა. არა, მარტოდენ უკეთილმსახურების ხელმწიფის სათანყოფამ, მხოლოდ კეთილ-ნებობიზმა წაიღიმა სრულიად რუსეთის ეკკლესიის უმაღლესი გამგებობისამ, მხოლოდ მაღალ ყოვლად უსამღვდელოების ფლაბინეს, საქართველოს ეკკლესიის კეთილი ანგელოზის მამობრივმა სიყვარულმა, ჩემ მიერ დაუმსახურებელმა ყურადღებამ და მისმა ნამდილად მშობლიურმა განწყობილებამ ჩემდამო და არა რაიმე ჩემმა ღირსებამ დამადგინა მე თავად ამ უძველესი ეკკლესიისა, ვითვალისწინებ რა ყოველივე ამას, აღვივებში შიშით და სულიერი კრთომილებით და მზად ვარ აღვიარო: „უფალო, აღირჩიე, რომელსაც უმეტეს შეუძლია და იგი მიაღლინე“ (გამოს. 4, 15).

გარდა მანუგეშებს და მამხრევებს მე ის დაავიძოვება, რომ უფალმა ჩვენმა იესო ქრისტემ, დაავიძინა რა თვის ეკკლესიისათვის მწყემსნი, არ დაუტევა ივინი მარტო მათი ძალისა და ნიჭის ანაზარად: „ამა მე თქვენთანა ვარ ყოველთა დღეთა და ვიდრე დასასრულამდე ქვეყნისა; მე ვსთხოვ მამასა, და სხვა ნუ გეშინის მცემელს მოგივლენთ თქვენ და იქნება თქვენთან საუკუნოდ, სული ქეშმარიტებისა, რომელი გასწავებს თქვენ ყოველივეს“, რქვა მან თვისთა მოწუფეთა და მათ მიერ თავისი ეკკლესიის ყოველთა მწყემსთა ვიდრე დასასრულამდე ქვეყნისა. მრწამს და მეჯერა, რომ იგი არ დამავდებს მე უღირსსა უმწეოდ; მტკიცედ ვარ დარწმუნებული, რომ სული ქეშმარიტებისა, რომელმაც მომიწოდა მე ამ მსახურებისათვის, ჩამავიძინებს, მაკლდინებს და დამამტკიცებს მე ყოველსა ქეშმარიტებასა ზედა მიუხედავად ჩემი უძლურებისა და უღირსობისა.

წინაშე თქვენისა და აქა უხილავად მყოფისა მეუფისა დიდებისასა ვლემ მტკიცე აღთქმას, რომ არ დავზოგავ არც დროს, არც ღონეს, არც შრომას აღსასრულელად განგების მიერ ჩემდამი მონიჭებული დიდი საქმისა, რომელიც შეგებზეა თქვენი სულის ცხოვრებას. მუდამ გულწრფელად, მხურვალედ და თავ გამოდებით ვილოცავ, რათა განმტკიცდეთ თქვენ ქრისტიანული ცხოვრებით და, რამდენადაც შეგიძლება, ხშირად შეგსწირავ თქვენთვის ყოველად მოწყალებულ ღმერთს უსისხლო მსხვერპლს, მოვალეობად მექნება აღიარებული ხშირად მიმართვა საღმრთო წერილისადმი, რათა იქიდან მოგაწოდოთ ხოლმე უხრწნელი საზრდელი სულთა თქვენათვის. ამას მოვხმარებ ყოველივე ჩემს ცოდნას და თავისუფალ დროს, მთლად ამას ვემსახურები სულით და გულით, და მარტო ეს იქნება ჩემი მსახურების უმაღლესი მიზანი.

ამიტომ გთხოვთ, გულითადად გთხოვთ ყველას და თითოეულს თქვენგანს, ჩემო ძვირფასო მსმენელნო კაცნო და ქალნო, ნუ დამოტყვევებ მე მარტოდ ღვთის მსახურების აღსრულების დროს, სიყვარულით და ხალისით მოხვიდოდეთ ხოლმე აქ ეკლესიის ზარის ხმის გაგონებისთანავე, გთხოვთ დაესწრობოდეთ ხოლმე საღმრთო მსახურებას, როდესაც შეიწირება ჩვენ ცოდვილთათვის მსხვერპლად სისხლი და ხორცი მაცხოვრისა, ყურადღებით ისმენდეთ ხოლმე სიტყვა-მოდღვრებას და მტკიცედ ჩაინერგავდეთ ხოლმე გონებაში ყოველივე მას, რასაც სასარგებლოდ დანიხავთ, მორჩილებით და თავმდაბლობით აიტანეთ თვით მხილებაც კი, როდესაც იგი საქირო იქნება, რათა თქვენ შორის განმტკიცდეს სარწმუნოება და სიყვარული ქრისტიანთა შორის.

გარნა თქვენ, პატივცემულნო თანამსახურენო სულიერნო მამანო, ნება მიზოძეთ ვიფიქრო და ვიმედოვნო, რომ ჩემს შრომათა და ზრუნვათა დროს სამწყსოის უმაღლეს ბედნიერების შესახებ, პირველნი გამოიმწვდით მე დახმარების ხელს და მუდამ მზად იქნებით შემწეობა და დახმარება აღმოუჩინოთ ყოველივე ჩემ კეთილ დაწყებულებათ და განზრახულებათა. მიწყემს-მთავარი ჩვენი იესო ქრისტე გვიწოდებს თქვენ მარჩის და ნათელს ქვეყნისას. გთხოვთ და გვეედრებით საქმით გაამართლოთ თქვენი ესოდენ მაღალი მოწოდება.

უბრძველეს ყოვლისა იქონიეთ ურთიერთ შორის მშვიდობა და ძმური სიყვარული, დაეხმარეთ ერთი ერთმანეთს გაქირვებასა და უბედურებასა შინა, ანუგეშეთ ერთმანეთი თქვენდამი მოწვენილ მწყობარებასა შინა. რომელნიც თქვენ შორის უფრო გამოცდილნი და განსწავლილ არიან მღვდელთაში, მათ გაუზიარონ თავიანთი ცოდნა მცირედ გამოცდილთ; რომელიც სუსტია და მცირე ცოდნა აქვს, იგი მოეპყრას შესაფერი პატივით და მორჩილებით თავისს განათლებულ, ნიჭიერ და შეგებულ თანამომესს; ამასთან იყენით თქვენი სამწყსოისათვის კეთილნი მწყემსნი და არა „ფასით დაღვინილნი“, ყოველი ღონის ძიებით დაიფარეთ იმინი ურცხვთა მგელთაგან, რომელთაც სწყურინათ წარტაცება და განზნევა მათი, გააცანით ყველას და თითოეულს ყოველ მოხერხებულ შემთხვევის დროს ქრისტეს სწავლა-მოდღვრების ქეშმარიტებანი, ჩანერგეთ მათ გულსა და სულში ნამდვილი ქრისტიანობა, გასწმინდეთ მათი სული, რათა იგი შეიქნეს სადგურად სულისა წმინდისა, და ამკვიდრეთ მათ გულსა და გონებაში უფალი ჩვენი იესო ქრისტე, მოსპეთ მათ შორის ნიადაგი, რომელთადაც ხარობენ სხვა-და-სხვა სათაკილო ჩვეულებანი, გულის გასაგმირავი განყოფილებანი, საზიზღარი მომჩივნობა, ბეზღობა და ცილის წამება. საზოგადოდ გთხოვთ გამხნევდეთ სულით, აღბრთოვანდეთ ახალი გულს-მოდგინებით და აღიქურვოთ განსაკუთრებითი «შურიით» ეკლესიისადმი.

თუ ასეთი ერთ სულობით და თანხმობით მოვიქცევით, თუ მსგავსი გულწრფელი ნდობით მოვეპყრობით ერთი-ერთმანერთს, ასე დავებმარეთ ერთი მეორეს, უეჭველია არც უფალი მოგვაკლავს თვის კურთხევას, უსათუოდ მოგვანიჭებს თვის მოწყალებას და არ დააყოვნებს მოგვამადლოს ჩვენ ყოველივე სასარგებლო ჩვენი სულისა და სხეულისათვის. მშვიდობა, თანხმობა და ძმური ერთობა ჩვენ შორის საზოგადო მოღვაწეობის

დროს — ლეთის ყანაში, იქნება ჩემთვის უმაღლესი ბედნიერება, რომელიც გამაზნეებს მე ახალი შრომისათვის; მხიარულ მუცლს და მომცემს შვილებრივ კანდიერებას მარად ეამს შევთხოვო ხოლმე უფალსა თქვენთვის და სამწყსოთა თქვენათვის ერთად: „გარდამოიხილე ზეით, უფალო, და იხილე, და მოხედე ვენახს ამას შენსა, და განამტკიცე ესე, რომელ დაასხა მარჯვენემან შენმან!“ ამინ.



ახალი საბლადოჩინო ოლქების გაუქმება იმერეთის ეპარქიაში.

ჩვენ მკითხველებს, და იმერეთში არა მკითხველებსაც, კარგად მოეხსენებათ ისტორია ახალი საბლადოჩინო ოლქების დანახებასა და ახალი ბლადოჩინების დანიშნისა. კარგად იცინ ავრეთვე, თუ რას ითხოვდა სამღვდლოება და როგორ ასრულდა მათი თხოვნა*). განსვენებული ვოვლად სამღვდლო ბესარიონის განკარგულება საბლადოჩინო ოლქების დანაწილებისა და ახალი ბლადოჩინების დანიშნისა არ იქმნა შეწინააღმდეგებელი სინოდალნი კანტორისაგან მინდობილი ქონდა ვოვლად სამღვდლო ლეონიდს მათი შესვლულებისამებრ დაებოლოება ეს მრავალი საჩივრებით გამწვავებული კითხვა. მათმა შეუთებამ ეს ახალი საბლადოჩინო ოლქები სრულებით გააუქმა და ეველა ახალი ბლადოჩინებრივ დაითხოვა. საზოგადოებაზე და განსაკუთრებით სამღვდლოებაზე ფრიად სასიამოვნო შთაბეჭდილება მოახდინა ვოვლად

სამღვდლოს ამისთანა განკარგულებამ და ეველას იმედი შთაუნერგა, რომ იმერეთის ეპარქია ახალი მღვდლო-მთავრის წყალობით კეთილ წარმატების გზას დაადგება... სამღვდლოების კეთილ წარმატების გზაზე დადგომათ ჩვენ ის კი არ მიგვაჩნია, რომ ახალი საბლადოჩინო მასრები გაუქმდა და ზოგიერთი საბლადოჩინოები ამით გადაიდა, არა, ჩვენ ამ განკარგულებაში ვხვდებით მთავრობის სიმტკიცეს და მის შორს გამჭვრეტელობას, ვხვდებით დაცემული სიმაღლის და მართლმსაჯულების აღდგენას. აი ეს არის სასიამოვნო საზოგადოებისთვის და იმედის ჩამხერგველი.

ამასთან არ უნდა დავივიწყოთ ისიც, რომ ზოგიერთ საბლადოჩინოების გაყოფის ახრი თვითონ სამღვდლოებაში იყო აღმრული. 1896 წელს მი განსვენებულმა იმერეთის ეპისკოპოსმა ბესარიონმა მისწერა სამღვდლოებას, რომ არც ერთ მათგანს ბლადოჩინის ნება-დაურთველად და უბილეთთ ქუთაისში ან სსვგან წასვლა არ გაეებდა. ამ განკარგულების გამო სამღვდლოების კრებაზე 1897 წელში ზოგიერთმა დეპუტატებმა აღმრეს კითხვა, რომ ეს განკარგულება ეველა სამღვდლო ზიროთავის საჯალღებულო არ ვოფილიყო. ზოგიერთმა დეპუტატებმა განაცხადეს: „ჩვენ რომ ბლადოჩინისაგან ბილეთი ავიღოთ ქუთაისში წასასვლელად, სამოცი ვერსი უნდა გავიარო აქეთ-იქით ბილეთის ასაღებათ და უბილეთთ თუ წავედით ქუთაისში, ხუთი ვერსის მქტს არ ვივლითო“. ზოგიერთმა განაცხადა: „საბლადოჩინის კრების შედგენა გვიძნელდება სიმორს გამოო“. სამღვდლოების კრე-

*) იხ. „მწყემსი“ № 5 1900 წ.

ბაზე ეს კითხვა კარგად გამოირკვეა და ქრ-
ნალიც დაადგინეს, რომ ზოგიერთი დიდი
საბლადოჩინო ოლქები გაყოფილიყო. მაგრამ,
სამწუხაროდ, გაჭვეს აზა ისე, როგორც საუბ-
ჯობესო და სასარგებლო იყო სამღვდლოე-
ბისათვის, აზამედ როგორც მოსახერხებელი
და დასლოებით იქნებოდა საბლადოჩინო
კანდიდატებზე. ამან გამოიწვია საჩივარები
და უკანონოდ ნამოქმედარი დარიღვა. ჩვენ სრუ-
ლი დარწმუნებული ვართ, რომ სამღვდლო-
ების თხოვნა ზოგიერთი დიდი საბლადოჩი-
ნობების გაყოფის შესახებ მანც ასრულდება
ბოლოს.

დღე. ღ. ღამაშიძე



ჩემი სასინარულო და სამწუხარო შთაბეჭდა-
ლებანი აზიის და ევროპის სასკლამწიფოებში
მოგზაურობის დროს.

(გაგრძელება*)



წმიდა სტეფანეს ტაძარი.
ველაზე შესანიშნავი ვენის შენობაა
შორის არის წმიდა სტეფანეს ეკლესია.
ამ ტაძრის შენობა დაწყებულია მეცა-
მეტე საუკუნის დამდეგიდან და დას-
რულებულია მეთუთხმეტე საუკუნეში.
ეკლესია აგებულია რომანიული ხა-
სიათის გეგმით. ამა ადგილას ყოფილა ძველი ტა-
ძარი მეთორმეტე საუკუნეში, რომლის მცირე

ნაშთები ტაძარს დღესეც ეტყობა. სამხრეთით ამ
ტაძარს აქვს მაღალი კოშკი მშვენიერი ხელოვნე-
ბით აგებული, რომელიც დასრულებულია 1488
წელში და ჩრდილოეთის მხრით დარჩენილია.
ტაძარს ჯვრის სახე აქვს. სიგრძე ტაძრისა ორ-
მოცდა თორმეტი საყენია. ეკლესია შიგნით მობ-
ნელოა და რაღაცა უსიამოვნო შთაბეჭდილებას
ახდენს მნახველზე. შიგნით ტაძარში მრავალი
ქანდაკებანი არის და ხელოვნური და გასაოცარი
ჩუქურთმებით არის მორთული ეკლესიის გვერ-
დები. ფანჯრის შუბები მოწითალოა და წმიდანე-
ბის სახეები არის დახატული, რომელნიც მშვენი-
ერად გამოსჭვირს. ეს მხატვრობა ძლიერ შესანიშ-
ნავია. საკურთხეველთან ქვიის ფიქალია, რომე-
ლიც ფარავს მეფეების აკლდამის შესავლს. ამ
აკლდამაში ორასი წელი ვადის, რომ მეფის გვა-
რეულობისანი არ იმარხებიან. მეფის გვარეულო-
ბის პირნი კაპუცინის ეკლესიაში იმარხებიან
დღეს. ამ კაპუცინების ეკლესიის ერთ სამლოცვე-
ლოში, რომელიც აგებულია წმიდა თეკლეს სა-
ხელზე, არის ფრიდრიხ III „სარკოვაჯი“ თეთრი
და წითელი მარმარილოსაგან მშვენიერად გაკეთე-
ბული. ორგანო ამ ტაძრის ერთი უკვეთესი მუ-
სიკა არის მთელს ევროპაში.

გარეშეშო ადგილები ვენისა ძლიერ შესანიშ-
ნავია და ღირს ნახვათ, მაგრამ, სამწუხაროდ, ჩვენ,
დროს უმექონებლობისა ვამო, რადგან პარიეში
ექიმების კონგრესზე მივიჩქაროდით, დავგჩა დაუთ-
ვლიერებელი.

ბევრისათვის ძლიერ გასაკვირველია, თუ რო-
გორ არსებობს ავსტრო-უნგრეთის სახელმწიფო,
რომელიც ამდენი სხვა-და-სხვა სარწმუნოების და
ენით მოლაპარაკე ხალხებისაგან შესდგება. ამ
კითხვის შესახებ, ჩვენის აზრით, ორიოდე სიტყვა
მეტე, არ უნდა იქნეს მე და შენთვის, ჩემო საყ-
ვარელო მკითხველო, და იმედია არ მოგეწყინება,
ცოტა რამ რომ მოგითხრათ ამ ხალხების შესახებ.

სწორედ იშვიათია ისეთი სახელმწიფო, რო-
გორიც არის ავსტრო-უნგრეთი, სადაც ერთი უფ-
ლების ქვეშ შეერთებულია მრავალი სხვა-და-სხვა
ერი და ისიც ისეა შეერთებული, რომ არცერთი
არ არის არც გადაგვარებული და არც მეორისა-
გან შთანთქმულ-დამონებული. ამ ქვეყანაში არის
სამი უმთავრესი ჯგუფი: გერმანელები, სლავები

*] იხ. „მწეგმის“ № 17, 1900 წ.


და მაღიარები, რომელნიც მეტის-მეტად განსხვავდებიან ერთიერთმანერთში: ბოჭველის, მორავის და სილგზის სლავეებს გარდა, არიან გალიციის სლავეები, პოლნელები და რუტენები; არიან აგრეთვე სლოვაკები, სლოვენები, კრაოტები, სერბები და სხ. სამზღვრები თვითეული ამ ერების თუმცა გარკვეულია, მაგრამ მაინც თვითეულ მათგანს სხვის საფლობებლოშიდაც შეხედებით. ეს ხალხის მრავალ-ფეროვნება ისეთ ნიადაგზეა დამყარებული, რომ ძნელი წარმოსადგენია მისი ოდესმე მოსპობა. გერაფერს ვერ იტყვის ვატი, თუ რომელი რომელს დასძლევს და რომელი რომელს წააქარბებს, თუმცა სლავეების ჯგუფი უფრო მეტია სახელმწიფოში, ვიდრე გერმანელების და მაღიარების. მაგრამ ჩრდილოეთის და სამხრეთის სლავეები ისე არიან დაშორებული, რომ მათი შეერთება ყოველად შეუძლებელია. გარდა ამისა თვითეულ ერს, თვითეულ ნაწილს ერისას აქვს საკუთარი დედა-ენა, რომელსაც იგი მეტის-მეტე სიჯიუტით იცავს; ამ ენას ხმარობს იგი მუდამ და ყოველგან თავის კერძო და საზოგადო ცხოვრებაში, დიდ უბედურებად მიაჩნია მისი დაფიქსება-დაკარგვა; და ცდილობს, რომ მისი არსებობა თვით კანონისაგანაც დადგენილი და შემოღებული იქმნეს. ანაირად ეროვნულადაც ენის მართივაც ყოველად წარმოუდგენელია ავსტრიის გაერთიანებულ ერის შექმნა, არაერთი კავშირი მათ შორის არ არსებობს, იმის მეტი, რომ ერთს ხელმწიფის უფლების ქვეშ არიან.

ამ ნახევარ ჯალხის უფროსობა აქვს ფრანკოისებს, რომელიც ითვლება ავსტრიის იმპერატორად და იმავე დროს უნგრის მეფედ. წინეთ ვიამბეთ, თუ როგორი მმართველობა არის ამ სახელმწიფოში. აქ სახელმწიფოს მართავენ ხალხისაგან არ ეული პირები, რომელნიც პარლამენტს შეადგენენ, არა ვითარი შემოსავალი და გასავალი ფულებისა, არაერთი ხარჯი სახელმწიფოში არ მოხდება, თუ პარლამენტმა არ განიხილა და ნება არ დართო. პარლამენტში წარმომადგენლების რიცხვი ყველა ერებს რაოდენობისამებრ არა ჰყავთ. გერმანელებს შემდეგ მეტი გავლენა მაღიარებს აქვს. ასე რომ უფროსობა პოლიტიკური აქვსთ ხელთ ჩადებული ამ ორ ერს, რომელიც სცილირობს სხვა დანარჩენ ერების

დაწავებას; ეს წესი დამყარდა 1868 წლის შემდეგ, როდესაც მაღიარებმა ისარგებლეს ავსტრიის სისუსტით და დაითანხმეს ფრანკო-იოსები, რომ მათ თვით-მმართველობა მინიჭებოდათ და ავსტრიის მეფეც დაგვირგვინებულყო როგორც მაღიართა მეფე. თუმცა გერმანელების და მაღიარების რიცხვს სლავეების რიცხვზე სჭარბობს, და თორმეტ დიდ ქალაქში შვიდი სლავეების დედა-ქალაქებს წარმოადგენს, მაინც მათი გავლენა სახელმწიფო საქმეზე მეტად მცირეა. მაგრამ თან და თან დაწავრული მხარე ცდილობს მეტი უფლების მოხვეჭას და ეს არის ხოლმე მიზეზი ხშირი გამწვავების და შეტაკების, რომელიც ხდება ხოლმე ხშირად ავსტრიის პარლამენტში და ხან-და-ხან იმდენ ხანსაც გავრძელდება, რომ იძულებული ხდებიან რამდენიმე კვირის განმავლობაში სულაც შეაზრონ ხოლმე სხდომები. ხან-და-ხან ისეთ უცნაურობასაც-ი ჩაღიან ხოლმე კრებებზე, როგორც მგავალითად ამ გამოზახულების კრებებზე ჩაიდინეს ჩეხელების წარმომადგენლებმა, რომ ერთის შეხედვით სწორედ გასაოცარი რამ არის. მართალია, თუმცა ხშირია ჩხუბი და უწყსოებაც კი, მაგრამ ყოველივე ეს ისეთს ზიზღს არა ჰგერის გარეშე თვალყურის მადგენებელს, როგორსაც ჰგერის უმოკმედობა, მიძინებულობა და თავშეუდებლობა ზოგიერთ სხვა ქვეყნებში დამკვიდრებული. პირველი სიტოცხლის ნიშანია, იმედის მომცემი, გამამხნეველები და მეორე კი იმედის მომსპობი და დამაწუხებელი. და ამით ძალაუფებურად სახარბიელო გამოდის მათი ცხოვრება, თუმცა ბევრი აურ ზაური და დაკიდარაბა ჰხდებოთ თავს, რადგანაც თვითეული სათი სიფიხილეშია გატარებული და არა მუდმივ ძილში და გაურკვევლობაში, რომელიც ბევრს ცხოვრების კმაყოფილებათ წარმოუდგენია.

კიდევ ბევრი რამ ითქმის ამ ქვეყანაზე, მაგრამ მეტად გავრძელდება ჩვენი აღწერა და მკითხველის ყურადღების მოქანცვას ვერიდებით. ვგებ ოდესმე დაუტბრუნდეთ ცოტას ჩნთ ამავე საგანს, მხოლოდ იმისათვის, რომ რამოდენიმე ამბავი მოვუთხროთ მკითხველს ჩეხების ისტორიიდან, რომელიც მეტის-მეტად საეულისხმოა და თანაც გასაცვიურებელი. ამაზედ შემდეგ ვიბაასებთ.

დ. ჯ. დამაპაიქ.






ეპარქიის სამღვდლოების ჰენსიების შესახებ.

ამ უკანასკნელ დროს როგორც სასულიერო ისე საერო დრო-გამოშვებით გამოცემებში ხშირად სწერდნენ, რომ დღეს არსებული კანონები ეპარქიის სამღვდლოების ჰენსიების და ერთ დროებითი შემწეობის შესახებ შეიცვლებოა. ახალი პროექტი ჰენსიები და ერთ დროებითი შემწეობანი მღვდლო-მოსამსახურეთ გარდა დაენიშნებთ მღვდლითნათა. ეს უკანასკნელი ამბავი ყველასათვის ფრიალ სასიხარულო შეიქნა. საწყალო მღვდლითნეთ, რომელთა ჯამაგირებიდამ იკერდნენ 29/10 ჰენსიის თანხის შესადგენად და კანონით კი არავითარი ჰენსია არ ენიშნებოდათ. ამ ახალ ამბებში მეორე ის იყო სასიხარულო, რომ მღვდლო-მოსამსახურეთ უფრო მომეტებული ჰენსიები დაენიშნებათო. ეს კითხვა ამ მცირე ხანში საბოლოოდ გადაწყდებოა. „პეტერბურგის სასულიერო მახარებელმა, რომელსაც ამ კითხვის შესახებ საქარო ცნობები მიუღია „საიხედო წყაროსაგან“ თავის გამოცემის მე-29—30 №-ში დაბეჭდა ივლისის თვეში ფრცვლი ისტორიული ცნობები სამღვდლოების ჰენსიების შესახებ და თვით პროექტი წესდებისა ეპარქიის სამღვდლო და საეკლესიო მოსამსახურეთა და მათ ოჯახობათა ჰენსიების და ერთ დროებითი შემწეობის დანიშნის შესახებ“. ეს პროექტი, უ. ობერ-პროკურორის განკარგულებით, შემუშავებულია უწყმიდეს სინოდთან არსებულ ეკონომიურ გამგეობაში, განხილულია განსაკუთრებულ მოლაპარაკების დროს ცენტრალური სასულიერო უწყების წარმომადგენელთაგან და დღეს განხილულ უნდა იქმნეს ამ მიზნისათვის წარსულ მაისის თვის 1 უმაღლესად დარსებულ კომისიაში პეტერბურგის მიტროპოლიტის ანტონის თავმჯდომარეობით და ამ კითხვის განხილვის დროს მონაწილეობა უნდა მიიღონ ფინანსის, იუსტიციის, კანტროლის და სასულიერო უწყების წარმომადგენლებმა.

ღნიშნული პროექტის ძალით ჰენსიის ანუ ერთ დროებითი შემწეობის მიღების უფლება ეძლევათ მღვდლო-მოსამსახურეთ და მღვდლითნეთ, რომელნიც გამოვლენ შტატ გარეთ, დადებული წლების სამსახურის გათავების შემდეგ, ხოლო მათი

სიკვდილის შემდეგ ჰენსია და ერთ დროებითი შემწეობა ეძლევათ მათ ქვრივებს და ობოლთ. მღვდლო მოსამსახურენი და მღვდლითნენი, რომელნიც იმსახურებენ 20—30 წლამდე, შტატ გარეთ გამოსვლის შემდეგ მიიღებენ ჰენსიის ერთ მესამედს, რომელნიც იმსახურებენ 30—35 წლამდე, ისინი მიიღებენ ჰენსიის ორ მესამედს და რომელნიც იმსახურებენ 35 წელს და მეტს, მიიღებენ სრულს ჰენსიას. რომელნიც გამოვლენ შტატ გარეთ სამსახურში დადავდყოფობის გამო, მიიღებენ 20—30 წლების სამსახურისათვის ჰენსიის ორ მესამედს, 30 წლის სამსახურისათვის იღებენ სრულს ჰენსიას. თუ ვინმე ისეთი უკუბრუნებელი ავადმყოფობით გახდა ავად, რომელთა გამო არა თუ სამსახურის გაგრძელება აღარ შეეძლება, არამედ სხვის დაუხმარებლად ცხოვრებაუკი აღარ შეეძლება, მაშინ ისინი, რომელთაც უმსახურნათ 5—10 წლამდე, მიიღებენ ჰენსიის მესამედს, 10—20 წლამდე—მიიღებენ ჰენსიის ორ მესამედს, ხოლო 20 წლის სამსახურისათვის სრულ ჰენსიას. ჰენსია უნდა იქნეს ახალი პროექტით შემდეგი: დეკანოზებს—საკათედრო ტაძრების წინამძღვრებს 420 მან. წელიწადში, კანდელაკებს და ქალაქის სობორების წინამძღვრებს 360 მან., ქალაქის ეკლესიების მღვდლებს და საკათედრო ტაძრების პროტო-დაიკნებს 300 მან., სოფლის ეკლესიების მღვდლებს 240 მან., შტატის სოფლის დაიკნებს და საკათედრო ტაძრის იპოდაიკნებს 150 მან., ქალაქის ეკლესიების შტატის მღვდლითნეთ 120 მან. და სოფლებსისა 90 მან., რომელთაც უმსახურნათ ბლაღოჩინის ანუ სამრევლო სკოლების მასრის მეთვალყურის თანამდებობაზე არა ნაკლებ 10 წლისა, მათ ჰენსიას ემატება წელიწადში 60 მან. ქვრივებს ეძლევათ მათი ქმრების ჰენსიის ნახევარი შესაფერი ნაწილის დამატებით ვაჟისა ანუ ქალის სასარგებლოდ. უღედ-მამო ობოლს ეძლევა მისი მამის ჰენსიიდან ერთი მეოთხედი თითოეთულს, ასე რომ ოთხი ანუ მეტი ობოლი მიიღებს სრულ ჰენსიას. ერთ დროებითი შემწეობა ენიშნება იმ სამღვდლო და საეკლესიო მოსამსახურეთ, რომელნიც გამოდიან სამსახურისაგან ავად-მყოფობით და არ უმსახურნათ ჰენსიის მიღებისათვის დადგენილი დრო, და აგრეთვე მათ ოჯახობათ.

ასეთია უმთავრესი მუხლები პროექტისა სამ-
 ლედლოების ახალ პენსიების შესახებ. შეიძლება,
 ზოგიერთი მისი ნაწილები, მაგალითად, პენსიის
 ფულის როდენობა, შეიძლება შეცვლილ იქნეს
 კომისიის მიერ ამ პროექტის განხილვის დროს, მაგ-
 რამ რაც უნდა იქნეს, ეს კი დანაშაულებით შეტ-
 ყობილია, რომ როგორც მღვდელთ ისე მღვდელთნეთ
 დაენიშნებათ მომეტებული პენსია, რომელი ამჟამად
 გულ-წრფელ სიხარულს გამოიწვევს სამღვდლო-
 ებაში.



**კათოლიკეთა მისსიების ფანჯატური (Папи-
 льонъ) მსოფლიო გამოფენაზე ჰარიჟი.**

საფრანგეთის პრესამ, სამღვდლოებამ და კა-
 თოლიკეთა გულს მოდგინე მოზარებმა ჯერ კიდევ
 გამოფენის გახსნამდე გამოაცხადეს, რომ გამოფენა
 საფრანგეთისათვის იქნება დამღუპველიო. გამოფენ-
 ის მოწინააღმდეგენი ამტკიცებდნენ, რომ გამო-
 ფენა დამღუპველი იქნება მრეწველობისათვის. საფ-
 რანგეთი დაანახევებს და შეატყობინებს მიეღს ქვე-
 ყანას ყოველივე მას, რითაც საფრანგეთის მრეწვე-
 ლობა წინა სდგას და უცხო ქვეყნელები შეისწავ-
 ლიან ყოველივე ამაებს, უცხო ქვეყნელები ქება-
 დიდებას შემოგვწირვენ, მაგრამ თვითონ კი, საფ-
 რანგეთის წყალობით, ოქროებს შეიძენენ. გამოფენ-
 ა ეკონომიურადაც იქნება დამღუპველი. პროვი-
 ციებში მცხოვრებნი ჰარიჟში მოიტანენ თუ რამ
 გააბადიან და აქ უთავბოლოდ გაფლანგვენ თავიანთ
 უკანასკნელ გროშს. გამოფენა შეიქნება მავნებელი
 ხალხისათვისაც. გამოფენის მოსაწყობად და ასაშე-
 ნებლად საჭირო შეიქნება მრავალი მუშა ხალხი;
 ეს მუშა ხალხი, რასაკვირველია, ბლომად მოიზო-
 ვება, მაგრამ შემდეგ, როცა ისინი საჭირონი აღარ
 იქნებიან, ეს ხალხი დარჩება უსაქმოდ და უსაშუა-
 ლოდ; მცირნი მათგანი იწყებენ უსაქმოდ თრიხოს და
 შემდეგში შეადგენენ ფრიალ მუწებელ და საშიშო
 ბრბოს. დასასრულ—და აქ არის უმთავრესი უბედუ-
 რება, გამოფენა დამღუპველი იქნება ზნეობრივი
 მხრივაც. ჰარიჟში თავს მოიყრის უსაქმო ხალხი

სხვა-და-სხვა ქვეყნებიდან იმ იმედით, რომ აქ ისინი
 მოიპოვებენ სიაშენებას, რომ დროებით მიიწი და-
 ივიწყონ მოწყენილობა. ეს უსაქმო ხალხი, რომე-
 ლიც მართა სიამოვნებას ცდიება, შემოიტანს ჩვენ-
 ში გარყენილობას.

ყველა ამ მსჯელობათაგან შეგვიძლია გამოვიყ-
 ვანთო შემდეგი ლოგიკური დასკვნა: უნდა ვებრ-
 ძოლოთ, რომ გამოფენა არ გაიმართოს, უნდა
 მოუწოდოთ, ვისაც კი ხალხის სიკეთე სურს, რომ
 დახმარება გაგვიწიოს ამ საქმეში და ყოველ შემთ-
 ხვევაში უნდა ვეცადოთ, რომ არავითარი მონაწი-
 ლეობა არ მივიღოთ ამ საქმეში, რომელიც, ჩვენის
 აზრით, სიუგზურე და ხალხის დამღუპველი იქნე-
 ბაა. მაგრამ საქმით სულ სხვა გამოვიდა. გამო-
 ფენა, ფიქრობდნენ კათოლიკეთა ინტერესების დამ-
 ცველნი, ხომ უსათუოდ გაიმართება, ჩვენ მოზარე-
 ბბას გაუწევთ მას, თუ წინააღმდეგობას, მაგრამ
 თუ ჩვენც მივემხრობათ გამოფენას და გამოვაქვეყ-
 ნებთ ჩვენს შრომას და ამ ნაშრომის შედეგებს,
 მაშინ გამოფენის ცუდი მხარეები დაიფარება. საფ-
 რანგეთის თითოეულ სოფელში არის ეკკლესია,
 რომელშიაც ცოტა თუ ბევრი ხალხი დაიარება, და
 თითოეულ სოფელშივე არის სასმელის ღუქანი,
 რომელიც ხშირად იქვე ეკკლესიის გვერდშივეა და
 მასში დიდ ძალი ხალხიც დაიარება. ნუ თუ ეკ-
 კლესია რომ დავხუროთ, ღუქანიც დაიხუტება?
 წინააღმდეგ, უნდა ვიფიქროთ, რომ ღუქანის ცუდი
 ზედ-გავლენა მაშინ ერთი ასად მოიმიტებს. კათო-
 ლიკეთა ნაშრომის გამოქვეყნება დიდს, მაგრამ მცირე
 ქრისტიანულ, გამოფენაში, იქნება ეკკლესია მახ-
 ლობლად სასმელის ღუქანისა. გამოფენაზე იქნება
 მრავალი სასმელის ღუქანი, რომელთაც ცუდი
 ზედ წარწერები არ ექნებათ, მაგრამ ძლიერ მავნე-
 ბელნი კი იქნებიან ხალხის ზნეობისათვის. და ამ
 ხალხის ზნეობის გამრყენელ და გამაფუჭებელ სად-
 გომებთან, კათოლიკენი ააგებენ ხალხის ზნეობის
 გამაქეთილშობილებელს სადგომს. ამის გამო კათო-
 ლიკეთ გადაწყვიტეს ააგონ გამოფენაზე ფანჯატუ-
 რი თავიანთ ნაშრომების გამოსაქვეყნებლად.

მიუხედავად იმისა, რომ ამ ფანჯატურის ამშე-
 ნებელნი ძლიერ წინააღმდეგენი იყვნენ გამოფენისა
 და თავის წინააღმდეგობას არ ფარავდნენ არც სიტ-
 ყვით და არც წერით, მაგრამ საფრანგეთის მთავ-



რობამ, რომელმაც გამართა გამოფენა, ამ კათოლიკეთა განკარგულებაში უფასოდ გადასცა მიწა ტროკადეროს ბაღებში, ზომით (40 X 1, 45 მეტრი) ფანჩატურის გასაყოფებლად. კეთილ-მნებელობით შეწირულებით კათოლიკთ შეჭკრიბნეს ფანჩატურის ახადებლად ასა ათასი ფრანკი და ამ ფულებით დღეს მდინარე სენის მარჯვენა მხარეზე მუხა დიდებულ შერნობათა შორის ამაღლებულია ორ სართულიანი ფანჩატური, რომელშიაც მნახველს შეუძლია გაცენოს კათოლიკეთა სამისიონერო საქმეს—განსაკუთრებით საფრანგეთის კათოლიკეებისას და მათ ნაშრომს და იმ განსაცდელს, რომელიც ამ მქადაგებელთ ხედვებით სხვა-და-სხვა არა ქრისტიანეთა ქვეყნებში თავიანთი სარწმუნოების და სწავლა-განათლების გაყრცელების დროს.

ფანჩატურის ქვემო სახურავი ტეატრის მსგავსია. ეს შერნობა ოდნავ განათებულია ხელოვნურად. აქ გამართულია ექვსი სცენა მქადაგებელთა ცხოვრებით. (კაცის სხეულები სრული ტანისანი არიან და გაკეთებულია სანთლისაგან). პირველი სცენა (შესასვლის მარჯვნივ) წარმოადგენს სიკვდილს მქადაგებლის ჟანა-ლე-ფიშერისას, რომელიც 1788 წელს ალიერში დახვრიტეს არაბებმა იმისათვის, რომ ამ მქადაგებელმა არ მიიღო მამამლის სარწმუნოება. მეორე სცენა წარმოადგენს წმ. ბიკენტის ქალთა მონსატრის ერთ მოლაზონს, რომელიც გაკვეთილს აძლევს პატარა ქალებს. კედელზე ჰკიდია გეოგრაფიული რუკა. მოქმედება სწარმოებს მადაგასკარზე. შემდეგი სცენა წარმოადგენს მნახველს ბირმანისას, სადაც ერთი მოლაზონი ქალი უფლის კეთორვანებით ავადმყოფს. შემდეგ მნახველი ხელავს თოვლში ჩაფლულ მქადაგებელს იმ ქვეყნებში, სადაც მუდამ თოვლი სძევს. მეხუთე სცენა წარმოადგენს იმ შემთხვევას, როცა ჩინელებმა ტოკინში 1838 წელს თავი მოსჭრეს მქადაგებელს ბორის. მეექვსე და უკანასკნელი (შესასვლის მარცხნივ) სცენა წარმოგივადგენს, თუ როგორ ასწავლიან ახალგაზდა ნეგრიტიანკებს შუა აფრიკაში კატეხიზმოს. გაკვეთილს აძლევს სული წმინდის ორდენის მქადაგებელი. ამ სცენებ შორის დადგმულია ასტა ენა გაბრიელ პერბუაერისა, რომელიც მიკროულია ჯვარსზე. ეს მქადაგებელი ჩამოადრჩევს ჩინეთში 11 ნოემბერს 1840 წელსა. ამ სამწუხარო სურათის ცოტა მოშორებით არის ნიმუში (МОДЕЛЬ) ობოლთა

თავ-შესაფარისა, რომელიც დაარსებულია ბეირუტში წმ. იოსების სახელობაზე დაარსებული საზოგადოებისაგან.

საქიროა წარმოიდგინო გამოფენის განწყობილობა და იცოდე ყოველივე ის, რაც ამ გამოფენაზე ხდება, რომ გაიგო, თუ რა მოულოდნელ და გამომსაფხიზლებელ შთაბეჭდილებას ახდენს სხენე-ბული სცენები მქადაგებელთა ცხოვრებლამ მათზე, რომელნიც შემთხვევით შედიან ფანჩატურში. ტროკადეროს მახლობლად ჩამწყრივებულნი არიან თბილი და შორეული ქვეყნების—ეგიპტისა, ჩინეთისა და ალჟირის ფანჩატურები შესაფერი ხალხური თეატრებით, მუსიკით და თამაშობით. აი მნახველმა დაათვალიერა გამოფენა, დასტკბა სანახავეებით და სხვა-და-სხვა თამაშობით, იქვე მას იპატიყვენ კათოლიკეთა ოდნავ განაუთებულ ფანჩატურში, რათა მნახველმა მოიგონოს აქ, რომ არის სხვა გვარი ცხოვრებაც, არა სასიხარულო და სასიამოვნო, არამედ ცხოვრება, რომელიც ემსახურება დიდს იდეას, ცხოვრება, რომელიც თავს სწირავს მოყვასთა სამსახურს. მის შემდეგ, რაც მნახველმა იხილა მოთამაშენი, რომელნიც მზად იყვნენ ერთი კაპიკისათვის ეთამაშოთ ყორამალა და ეხოხათ მუტლით, მას უეცრად ავარდებდა, რომ იყვნენ და დღესაც არიან ისეთი პირნი, რომელნიც მზად არიან შესწირონ თავიანთი სიცოცხლე, ვიდრე წარმოთქვან ერთი რამ უზარალო სიტყვა.

მაგრამ ეს კერძო ტრაგიკული სცენები, რომელნიც მოწმობენ, რომ არის ფრიად დიდი საქმე და მასთან არიან ხალხნი, რომელნიც ამ დიდ საქმეს ემსახურებიან, არაფერს არ გვეუბნებიან არც ამ დიდი საქმის სტორიის შესახებ, არც იმას შესახებ, თუ რა სარგებლობას მოიტანა ამ საქმე და არც იმას, თუ რა შრომაა წასული ამ საქმეზე. მაგრამ რომ ყოველივე ამაგების შესახებ რაიმე ცნობა მიიღო, საქიროა ფანჩატურის ქვემო სართულიდან ახვიდე ზემო სართულში. კიბეზე, რომელიც აერთებს ქვემო სართულს ზემოსთან, ჩამწყრივებულია რუქები. ყველაზე უწინ თქვენ ხედავთ რუქას, რომელიც მოგვითხრობს კათოლიკეთ მქადაგებელთა გამრავლებას ქვეყანაზე. ვარდის საღებავით აღნიშნულია ფრანგების მქადაგებელნი. აფრიკა რომ ხართ გაკვირდით ორ ნაწილად მრდილოეთიდან სამხრეთისკენ, ამ აღნიშნულ რუქაზე დავინახავთ, რომ



აფრიკის მთელ დასავლეთ ნაწილს ანათლებენ თანეთი ქადაგებით საფრანგეთის მქადაგებელნი, ხოლო აღმოსავლეთით, მთელს მადაგასკარზე ამავე მქადაგებელთა მცედლინობით ვრცელდება ნათელი ქრისტეს სწავლისა. შემდეგ ჩამწკრივებულია ყერძო გეოგრაფიული რუქები და დიოგრაფიები. ამ დიოგრაფიების მიხედვით კათოლიკეთ მქადაგებელთა რიცხვი სულ თან და თან იზრდება, და საფრანგეთი ამ საქმეში კათოლიკეთა ყველა ხალხების მქადაგებლებზე წინა დგანან. დიოგრაფიები გვიჩვენებენ სხვადასხვა ორდენების—დომინიკანების და ლაზარისტების მქადაგებელთა გაძლიერებას, იგივე დიოგრაფიები გვიჩვენებენ, თუ როგორ სწარმოებს სწავლის საქმე ამ მქადაგებელთა მეზობებით. ზემო სართულში არის სურათები მქადაგებელთა ცხოვრებიდან, სურათები იმ პირთა, რომელთაც განსაკუთრებული სამახაბრო მიუძღვისთ მისიონერთა საქმეში, მინუსები კერვისა, მიწის სამუშაო იარაღებისა, რომელსაც მქადაგებლები და მოლაზონი ქალები ასწავლიან სხვადასხვა ქვეყნების მკვიდრთ. აქ არის საგნები იმ კერპთაყვანის მცემელთა ღვთის მსახურება და ეკლესიური წესები, რომელთა წინააღმდეგ მოქმედებენ მქადაგებელნი (კერპები, ბაზმანი (AMULET) უმეტესად მადაგასკარიდან მოტანილინი, მაგრამ ასეთი საგნები ძლიერ ცოტაა გამოკიდებული. და ამიტომ ამ საგნების დათვალიერებით არ შეგიძლია რაიმე აზრი შეადგინო იმ ხალხების სარწმუნოების შესახებ, რომელთაც ეს საგნები ეკუთვნის.

ფაჩანტურში შეიძლება მიიღო ცნობები მქადაგებელთა მოღვაწეობის შესახებ. კათოლიკეთა მისიის სტატისტიკური ცნობები გვიმტკიცებენ, რომ სამისიონერო ასპარეზზე უმეტესად მოღვაწეობენ იესუიტები და სახელდობ საფრანგეთისა; მქადაგებელნი—იესუიტები დღეს 3789 კაცადღა, ამთგან 755—ფრანგები (ისპანიელი იესუიტების რიცხვი—858 მეტია, მაგრამ მათი მოქმედების ნაყოფი იმდენად შესაძინევი არ არის). საფრანგეთის მქადაგებელნი დღეს მუშაობენ აზიაში და აფრიკაში. ბევრი არიან ისინი ჩინეთში, ცეილონზე; მაღურში (ინდოსტანის სამხრეთ-აღმოსავლეთისაკენ; აქ საფრანგეთის იესუიტებს შეტაკება მოუხდათ პორტუგალიის კათოლიკეთა მქადაგებლებთან არმენიაში და სირიაში. აფრიკაში იესუიტებს მისია იმყოფება ეგვიპტეში და მადაგასკარზე; ერთი შეხედვით ამ

უკანასკნელ ადგილზე განსაკუთრებული ყურადღება აქვს მიქცეული იესუიტებს. ისინი შევიდნენ მადაგასკარში მე-XIX საუკუნის ნახევარში; აი რა მდგომარეობაში ყოფილა მქადაგებელთა საქმე 1899 წელს. აშენებული ეკლესიები ყოფილა 219, მოსასრულებელი 68, აშენებული კაპელლები 579, ასაშენებელი 167, კათოლიკენი 93,805, კათაქმეველნი 266,877, მასწავლებელი კაცი და ქალი 2460, მოსწავლენი 115,968, დასაწყისი სკოლები 2,300, სახელოსნო სკოლები 3, სამეტურნეო სკოლა 1, საავადმყოფო (კეთროვან ავადმყოფთათვის) 2, უფულო საავადმყოფოები 4. საიდუმლოები შესრულებულა: დიდების ნათელ-ღება 5,193, ბავშთა მონათვლა 6,975, აღსარება 119,367, ზიარება 104,860, მირონ-ცხება 1,377, ზეთის კურთხევა 306, ჯვარის წერა 901.

მისიაში იმყოფება ერთი ებისკოპოსი, 46 ეპრობიელი მქადაგებელი, ერთი ადგილობითი მღვდელი, 17 ძმანი თანაშემწენი, 19 ძმანი ქრისტიანთა სკოლებისა, ერთი მთგანი მადლაკია, 46 კლიუბინის წმ. იოსების საზოგადოების დეზია, რომელთაგან 4 მალაკია.

სასიხარულო შთაბეჭდილებას ახდენს ის, რომ მქადაგებელთა საქმეში მუშაობს დასავლეთ-ევროპის კათოლიკეთა სახელმწიფოებში ბევრ მეშაქს. ჩვენის ფიქრით საფრანგეთის სარწმუნოებრივი მდგომარეობის საჩვენებლად ის კმარა, რომ იგი თავისი პროვინციებიდან გზაენის ყოველ წლობით ბევრ ძმთა და დებს ჯერ კიდევ გაუნათლებელი ხალხების სამსახურებლად.

ჩვენ კი, სამწუხაროთ, ჩვენიაენის, აქეთიქით მეზობლებად მცხოვრებთა მოქცევა ვიძინელებათ.

აი ამიტომაც, ჩვენის ფიქრით, კათოლიკეთა მისიების ფაჩანტურმა მსოფლიო გამოყენაზე უნდა აღძრას მნახველში სასიხარულო გრძნობები და აზრი.



სახლი წვარო ჭიათურის ეკლესია—სკო-
ლისთვის.

ჩვენის ქურნალ-გაზეთების პატრეცემულ
მიტხველებს უკვე მოეხსენებათ, რომ ამ წლის
ივლისის 26-ს ქ. ქუთაისში გაიხსნა ჭიათურის
შავი ქვის მწარმოებელთა მსამე კრება, რომე-
ლიც დასრულდა 11 აკვისტოს. ამ კრებაზედ
მრავალი საჭირო და სსარგებლო კითხვები
გაიჩნა დ. ჭიათურის საკეთილდღეოდ; კრების
დადგენილებანი უკვე წარდგინდია დასამტკი-
ცებლათ სამინისტროში. სხვათა შორის კრებამ
გადაწყვიტა: დ. ჭიათურა გადაკეთდეს. „პოსა-
დათ“, გაიხსნას მოძრეველი სასამართლო,
ტენნიკური სასწავლებელი და სხვა-და-სხვა და-
წყებულება, ამ ს გარდა პატრეცემულმა კრებამ
არც სასულიერო წოდება დატოვა უქურადად -
ბოთ; მან გადაწყვიტა: ჭიათურის საეკლესიო-
სამრევლო სკოლას ყოველ წლივით მიეცეს
შემწეობათ 600 მანეთი და რადგანც ჭიათურაში
მართლ-მადიდებელი ხალხი სცხოვრობს უმე-
კდესივით (იხილეთ ამ წლის „მწე მის“ 9—10
წმ.) ამიტომ ამენდეს ჭიათურაში ეკლესია და
ამ საქმისთვის მიეცეს სასულიერო მთავრობას
ოთხი ათას ხუთასი მანეთი სამი წლის განმავ-
ლობაში ს.მ ნაწილათ, ე. ი. წელიწადში 1500
მანეთი და სხვა ფუფი, რაც დაჭირდება მატლე-
სიას, შედგეს კომისია და შეგროვდეს კერძო
შემოწირულებითა. ეს ძალიან სასიამოვნო ამ-
ბავია ჭიათურისთვის, რომელიც მთლათ მიკ-
ლებული არის წირვა-ლოცვას უეკლესიობის
გამო, რაზედაც დაიდი მოიხედება ჭიათურის სა-
ზოგადოება, რომ ჩვენი სასიქადელო და მოდ-
ვაწე მდგველთ-მთავარი ყოვლად უსამდგვე-
ლოესი ლეონიდი, ეპისკოპოსი იმერეთისა კე-
თილ ინებებს და დროზედ მაქცევს თავის მწყემს-
მთავრულ ჯეროვან ქურადადებას ამ გარემო-
ებას.

აქვე არ შემოძლია არ მოგახსენათ, რომ
ერთ სასიამოვნო ამბავათ უნდა ჩათვალოდეს ის
გარემოებაც, რომ ჩვენს საყვარელს და ყოვლად
სასიქადელო მოსანს თავად აკაის როსტომის
ძეს წერეთელს მისი თავდაპირველი მოდგაწო-
ბისათვის შავი ქვის ადმოჩნის საქმეებში მადლო-
ბის ნიშნათ კრებამ ერთხმად გადაუწყვიტა 3,000
მანეთის ჩუქება. აკაისათვის ამ ფუფის რაოდე-
ნობა დიდი არაფერია, მაგრამ ამითი გამოხა-
ტება გახსენება და სიყვარული პოეტისადმი.

ჭიათურის საეკლესიო-სამრევლო სკოლის მასწავ-
ლებლის ბესარიონ ვაჭაძე

ქურნალ-გაზეთებისადმი.

ერთ ნემცეტურ გაზეთში ვკითხულობთ: გერმა-
ნის იმპერატორმა ჩინეთის იმპერატორისაგან შემ-
დეგი დეპეშა მიიღო: „მისი უდიდებულესობა ჩი-
ნეთის იმპერატორი მის უდიდებულესობას გემანის
იმპერატორს საღამო უძღვნის. ჩვენ უკვე გამოვთქ-
ვით ჩვენი სინანული და მუუხარება, რომ ელჩი
კეტტელერი ჩინეთში უცბად ატეხილ ამბოხების
მსხვერპლად შეიქმნა, რასაც ჩვენმა მოხელეებმა წი-
ნააღმდეგობა ველარ გაუწიეს და რომლის შემდეგაც
ჩვენი მეგობრული დამოკიდებულება დაირღვა.
ჩვენის ბრძანებით ამ დღის თარიღიდან მიუწერო,
რომ განსვენებულის მოსახსენებლად საკურთხეველს
ხელა შეწირულ იქნას მსხვერპლი და დიდსა მდი-
ვანსაცა უნკონუს მიუწერო მსხვერპლი შესწიროს.
ჩვენს მოხელეებს, რომელნიცა ჩრდილო და სამხრეთ
ნავთ-სადგურებში ვაჭრობას თვალს ადევნებენ,
ვუბრძანეთ ყოველივე ღონისძიება მიიღონ, რომ
გვამი მისი სამშობლოში იქნეს გადატანილი. ხოლო
როდესაც კუბოს გერმანიაში მოასვენებენ, მიუწერო
კვალად შესწირონ მეორე მსხვერპლი, რის შესწი-
რებაცა დავავალეთ ფინანსთა სამინისტროს ვიცე-
პრეზიდენტს ლუნ-ხაი-ხუნს. ამით ვაცხადებთ ჩვენს
მუუხარებას და სენებას განსვენებულისას. ჩინეთს
მულამ მეგობრული დამოკიდებულება ჰქონდა გერ-

მანიათან; ამისათვის დიდი იმედი გვაქვს, რომ თქვენ, თქვენო უდიდებულესობავ, ყოვლისა უპირველეს დაფასებთ იმას, თუ რა დიდი საერთო ინტერესები აქვს ჩინეთსა და გარემე სახელმწიფოთ და ყოველ გვარს რისხვაზედ უფრო იტყვით, რომ ამით საშუალება მოგვეცეს აღრე და მალე მშვიდობიანობა ჩამოვარდეს და ამასთანავე სამუდამოდ ჩვენ შორის თანხმობა დამყარდეს. ეს არის ჩვენი მხურვალე იმედი და სურვილი“.

იმპერატორმა ვილჰელმმა 17 სექტემბერს შემდეგი საპასუხო დეპეშა გაუგზავნა: „ჩინეთის იმპერატორს. მე, გერმანიის იმპერატორმა მივიღე დეპეშა მისის უდიდებულესობის ჩინეთის იმპერატორისა და სიმოვნებით ვსცანი აქედგან, რომ თქვენი უდიდებულესობა თანხმად თქვენის სარწმუნოებრივ ჩვეულებათა და საღმრთო წერილობათა, სცდილობთ გამოისყიდოთ სამარცხვინო მკვლერობა ჩემის ელჩისა, რომელი მკვლელიობაც დიდი ვასასაცილობა იყო მთლად კულტურისა; მაგრამ მე, როგორც გერმანიის იმპერატორსა და ქრისტიანს, არ შემიძლიან ვე მსხვერპლთ-შეწირვა ამგვარ დანაშაულობისათვის ღირსეულ დაკმაყოფილებად ვსცნო. ჩემ მოკლულ ელჩთან ერთად ღვთისა წინაშე წაჩსდვა პაავალი სხვა ჩვენი ქრისტიანე მოძმე—უბისკოპოსნი, მისიონერნი, დედაკენი, ბავშვნი. თავისის სარწმუნოების გულისათვის, რომელიც იმავ დარს ჩემიც არის, ივინი ტანჯვა-წამებით იქმნენ ძალად დახოცილნი და ზეცათა შინა თქვენს უდიდებულესობასა სდებენ ბრალს. ნუ თუ თქვენის უდიდებულესობის მიერ ნაბრძანები მსხვერპლის შეწირვა ღირსეული სახლარო ამდენს უბრალო მსხვერპლში? მე პირადად თქვენს უდიდებულესობას არ ვაკისრებ პასუხის მგებლობას არც იმ უსამართლობისათვის, რომელიც საეწოთა წინააღმდეგ იქნა ჩადენილი, საეწოთა, რომლებიც ყველა ერისაგან ხელ-შეუხებლად არიან აღიარებულნი, არც იმ დიდი შეურაცყოფისათვის, რომელიც ამდენს ეროვნებას, სხვადასხვა სარწმუნოებასა და თქვენის უდიდებულესობის ქვეშევრდომთ, სარწმუნოებით ქრისტიანთ, მიადგათ, მაგრამ თქვენის უდიდებულესობის ტახტის ვეზირთ და მოხელეთ-კი, რომელთაც ამ დანაშაულობაში ბრალი ედებათ და რომელმა დანაშაულობამაც მთლად საქრისტიანო ერნი შიშით შეჭხარა, უთუოდ ღირსეული პასუხი უნდა იგონ ამ სამარც-

ხვინო მოქმედებისათვის და თუ რომ, თქვენო უდიდებულესობავ, ინებებთ და დასჯით დამნაშავეთ, მაშინ ამას მეც ღირსეულ სახლარადა ვცნობ და ყველა ქრისტიან ერებსაც დააკმაყოფილებს იგი. გსურთ, თქვენო უდიდებულესობავ, ხელი მოაწერეთ ამას და შემდეგ საქმეში ჩარულ ყველა ერების წარმომადგენლების დახმარებაც მიიღეთ? მე ჩემის მხრივ ვაცხადებ, რომ დაკმაყოფილებული ვიქმნები და თქვენის უდიდებულესობის პეკინში დაბრუნებას სიამოვნებით შევევებები. ამ აზრით ჩემი გენერალ ფელდმარშალი გრაფი ვალდერზე ბრძანებას მიიღებს არამც თუ იმის შესახებ, რომ თქვენს უდიდებულესობას თქვენის ღირსებისამებრ შევეგებოს, არამედ იმის შესახებაც, რომ თქვენს უდიდებულესობას სამხედრო დარაჯი დაუყენოს, როგორც კი თქვენვე მოისურვებთ და როგორც კი, შეიძლება, საქორღო იყოს თქვენთვის მებაზობნა წინააღმდეგ. მეც მწყურის მშვიდობიანობა ისეთი, რომელსაც შევძლება დანაშაულობა გამოისყიდოს, ჩადენილი უსამართლობა დაჰჰმოს, ვასდენოს და ყველა უცხოელის სიკოცხელ და ქონება უზრუნველყოფილ ჰქმნას, განსაკუთრებით კი თავისუფლება სარწმუნოებისა. ვილჰელმი“.

* *

სატახტო ქაღაქების გაზეთების დეპეშება: ინგლისს ჯერ აქამდე არ ამოულია ხმა ბიულოვის ნოტის შესახებ; იგი თითქო კიდევ თანაუგრძნობს ამ ნოტაში გამოთქმულს ჩადედლებათა, მაგრამ გადაწყვეტით ოფიციალურად კი არას აცხადებს. ამიტომ, რა აზრისაა ინგლისის მთავრობა, ამ საგნის შესახებ, ნამდვილად არა იციან რა, და მხოლოდ სხვადასხვა ხმები მოყვანილი გახეთებში. სხვათა შორის „ინდუანდან ბელვისა“ კორესპონდენტი იტყობინება, რომ ლორდ სოლსბერის გერმანიის ნოტის პასუხად, ვითომ, ესეთი აზრი წარუდგენია: დაინშნოს წინ და წინ საგანებო კომისია, რომელსაც მიენდოს გამოძიება იმისი, თუ ვინ არიან ნამდვილად დამნაშავენი ჩინეთის არეულობაში, ვინ აქვებდენ მოკრივეთა აჯანყებას და უცხოელთ ამოწყვეტას, რაც შეეხება დამნაშავეთა დასჯას, ინგლისი ამ საგანში ემხრობა შეერთებულ შტატებს და იაპონიას და ჰუიქრობს, რომ ეს დასჯა მოთხოვნად უნდა იყოს მხოლოდ ჩინეთთან ზავის შეკვრის შემდეგ.

პარიზის კორესპონდენტი „ტიმს“-ისა ამტკიცებს, რომ საფრანგეთს, რუსეთს და გერმანიას გადუწყვეტით დაუყოვნებლივ შეთანხმდენ როგორმე ერთმანერთში მიუხედავად იმისა, მიემხრობიან მათ შეთანხმებას ინგლისი და ამერიკა, თუ არა. პარიზის დიპლომატიურ წრეებში აწინდელს დროს სთვლიან ძალიან მარჯვე დროს ჩინეთის საქმის გადასაწყვეტად, რადგანაც ინგლისი და ამერიკა გართულებებიანი ამ ჟამად საარჩევნო საქმეებში, დელკასემატ ამის გამო სწორედ ეს დრო შეარჩია და აპირობს წარუდგინოს სახელმწიფოებს თავისი საკუთარი პროგრამა ჩინეთის საქმეების გადასაწყვეტად. კორესპონდენტის აზრით დიდი იმედია იმისი, რომ ეს პროგრამა მიღებული იქნება სახელმწიფოთაგან. თითო პროგრამის შინაარსის შესახებ კი კორესპონდენტი არას იწერება.

ვენის სარწმუნო წყაროდან „სტანდარდ“-ს სწორენ: უკეთესი მეგობრები გერმანიისა (იგულისხმეთ ავსტრია) ურჩევენ მას, ძალიან ნუ გეებმები ჩინეთის საქმეებშიო, რადგანაც იმედი არ არის, რომ გაჯირბის დროს სხვა სახელმწიფოებიც შეგეწვეიანო და ვაი თუ მარტკის მოგისდეს ბრძოლა აუარებელ ჩინეთის ხალხთანო.


ენით არ ითქმის და კალმით არ აიწერება ის საოკარი არე-დარევა, რომელიც ეხლა ჩინეთში ჰსუფევს. ამის დასამტკიცებლად „ჟურნალ-დემანჰაის“ მოჰყავს შემდეგი ამბავი: „შანჰაის მეფის მოადგილემ ერთის კვირის განმავლობაში მიიღო იმპერატორისაგან ოთხი ბრძანება. პირველში იმპერატორს მეფის მოადგილესათვის სიკვდილით დასჯა გადაწყვეტა ევროპიელებთან მეგობრულ დაახლოვებისათვის; მეორეში—ნაბოძები იყო დიდი ჯილდო სადიპლომატო ხელოვნებისათვის. მესამეში—მეფის მოადგილეს ატყობინებდენ იმპერატორის კომისარის მოსვლას და ემუქრებოდნენ თანამდებობიდან დათხოვნას და, დასასრულ, მეოთხე ბრძანებაში გამოცხადებული იყო მეფის მოადგილესადმი იმპერატორის სრული ნდობა და წყალობა. აქედან ცხადია, რომ იმპერატორი სწორედ სათამაშო ბურთად გამხდარა მასხლის სხვა-და-სხვა პარტიების ხელში.

ახალი ამბები და შენიშვნები.

ჟურნალი „მწყემსი“-ს რედაქციამ უკვე შეუცვთა მოსკოვში ფოტოტიპის დიდი სურათები მათი მეუფების ყოვლად სამღვდლო ლეონიდისა და მკირეს ხანში უკვე მზად იქნება და ყველას შეეძლება ხსენებული სურათები წიბოვოს ჩვენი რედაქციიდან მკირე ფასით.

„მწყემსი“-ს რედაქციას ხშირად მოსდის ზოგიერთებისაგან წერილები, რომლებშიაც თხოვილობენ სხვა-და-სხვა საქირო გამოწყრილობათა და მოწმობათა ბლანკების ნიმუშებს და წიგნების და წიგნაკების ფასის შეტყობას. წიგნების და წიგნაკების ფასი „მწყემსში“ იბეჭდება ხოლმე და იქიდან შეიტყობს ყველა მსურველი და გამოწყრილობათა და მოწმობათა ნიმუშების გაგზავნას საქიროთ არა ესთვლით, რადგან ყველა სამღვდლო პირმა უნდ იცოდეს, რომ ამ საქირო გამოწყრილობათა და მოწმობათა ბლანკები ერთ-გვარია ყველგან და არა სხვა-და-სხვა...

პარიკში და რომში მოგზაურობის დროს ჩვენ ვნახეთ ქართველი პატრი მიხეილ თამარიშვილი. ეს შესანიშნავი პატრი შესდგომია რომის არქივებში საქართველოის და კერძოდ ქართველ კათოლიკეთა ისტორიული მასალების შეკრებას და დიდი ხელნაწერი შეუდგენია. მრავალი საინტერესო მასალა აღმოუჩენია, რომელთა შორის საბა სულხან ორბელიანის წერილებიც არის და აგრეთვე სხვა ქართველ მეფეთა წერილებიც. ეს წერილები ცხადთა ამტკიცებენ, თუ რამდენად ცრუ და ყალბია ის აზრი სომეხ მეცნიერთა, რომ ჩვენში ვითომც ქართველი კათოლიკენი არ იყვნენ. ამის შესახებ ჩვენ გამოცემაში დაიბეჭდება ვრცელი წერილი პროფესორის ა. ს. ხახანაშვილისა, რომლიდანაც ბევრ რამე საყურადღებოს წაიკითხავს ჩვენი ჟურნალის მკითხველნი.





მიიღება ხელის-მოწერა 1900 წლისათვის ორ კვირულ ბაჟოცებათა ქართულს

კერძო საავამთავროვო ავგულაბოროითური

ს. ბ. თოფურიას.

ქ. ქუთაისში.

საავამთავროვოში დგას ორმოცი საწოლი. ხირურგიულ, გინეკოლოგიურ და შინაგან სენით ავამთავროვთათვის. მუწუკებიანი და გაღამდები სენით ავამთავროვნი არ მიიღებიან. მოსიარულე ავამთავროვნი მიიღებიან ყოველ დღე 11 საათიდან შუადღის 3 საათამდე.

„მწუკმს“-ზე

ღ

რუსულ «ПАСТЫРЬ»-ზე

ქურნალის ფასი:

12 თვით მწუკმსია 3 მ. | 6 თვით მწუკმსია 2 მ.
— ,, რუსული ,, 3 მ. — ,, რუსული ,, 2 >
— ,, ორივე გამოცემა 5 > | — ,, ორივე გამოცემა 3 >

შინაგან და ნერვებით ავამთავროვებს მიიღებს
მ. ს. ბ. თოფურია.

ქირირგიურ შარდით სიფილისით და თვალების ავამთავროვობისათვის.

მ. ფ. კ. ბერაბი.

დედაცაცურ ავამთავროვთა და საბებიო ქალი.

მ. მ. ფ. კოზანი.

რჩევა დარტების ფასი 50 კ., კონსილიუმის ფასი 3 მ. დღე და ღამე ქირა სა-ავამთავროვოში სრული სარჯით და ქეიმობით 2—3 მნეთამდე. აპერაციის ფასი გარეკებაზეა.

სამკურნალოს დირექტორი ს. ბ. თოფურია.

ზაზუნთვ ხელის-მოწერა შეიძლება როგორც ვეარაღაში, აგრეთვე ქუთაისშიაც. თბილისში წერა-კითხვის გამავრცელებელ საზოგადოების წიგნის მ:ლაზაში, ბ. შიო ქუტუკაშვილთან. ფოთში—დეკანოზ მ. გრიგოლ მაჭაროეთან; საჩხერეში—ყარა ან მაყიძეთან; ხანდაზვეში—დეკანოზ დ. ხახუცოეთან; ხანდაზვეში—ბლალონინ მანა არისტარქ კალანდარი-შვილთან.

სოფლის მასწავლებელთ და ღარიბთ გახეთები დაეთმო-ბათ მთელის წლით ორივე გამოცემა სამ მსანეთად.

რედაქციას აქვს კანტორები: ქუთაისში ხანანაშვილ-ების სახლებში და ვეარაღაში რედაქტორის საკუთარ სახლებში.

ზარევე მკუბერებთ ქურნალის დაბარებზე შეუძლიათ ამ აღრესით: Вь Квирилы, вь редакцію газеты и журнала „МЦЕМСИ“ и «ПАСТЫРЬ».

რედაქციაში მოიპოვება წარსული წლების რამდენიმე სრული გამოცემანი „მწუკმსი“-სა, რომელნიც ნახევარ ფასად დაეთმობათ მსურველთ.

შ ი ნ ა ა რ ს ი:

ოციციანლური განყოფილება: უმაღლესი სახელ-დებული ბრძანება.—უმაღლესი ჯილდო.—უმაღლესი ბრძანე-ბანი.—უწმიდესი სინოდის განჩინება.

სალიტერატურო განყოფილება: სიტყვა, თქმული მის ყოველად უსამღვდელოებობის ლეონიდის მიერ ქუთაისის საკათედრო ტაძარში 17 სექტემბერს, პირველად ვეარქიაში შემობრძანების დროს.—ახალი საბლალონინო ოლქების გაუ-ქმება იმერეთის ვეარქიაში.—ხეში სასიხარულო და სამწუხარო შობაბედობებანი აზიასა და ევროპის სახელმწიფოებში მოგზა-ურობის დროს.—ვეარქიის სამღვდელოების პენსიების შესახებ.—კათოლიკეთა მისიების ფანჯატური (Павильонъ) მსოფლიო გამოფენაზე პარიუში —ახალი წყარო კიათურის ეკკლესია—სკოლისთვის.—ქურნალ-გახუთებნიდან.—ახალი ამბები და შე-ნიშვნები.—განცხადება.

რედაქტორ-გამომცემელი დეკ. ზ. ლაზაშიძე.

Редакторъ-Издатель П. Д. Гамбашидзе.

Дозволено цензурою, Тифлисъ, 1 Октября

1900 г. ♦ Цензоръ прот. Е. Елиевъ

Типог. редакції журн. „Пастырь“ (П. Д. Гамбашидзе) вь Кутаисѣ, вь д. А. Дейсидзе на Нѣмецкой ул.